







re adducit. & congerit Thom. Sanchez lib. 3. de matrimonio, diffus. 3. num. 1.  
 40 Vbi numeris sequentibus septem intellectus ponit ad illum text. Primus est Paludan, in quarto distinctione 29. questione 2. articulo 5. numero 2. nemp, quod in foro conscientie non sit legitimum matrimonium, si consensus defuerit in apponente conditionem impossibilem, sed teneri vere contrahere ob preceptum impositum d. cap. fin. de condi. appof. sed hunc intellectum merito improbat communiter DD. quos ibi refert Sanchez numero 2. quia Ecclesia in d. cap. fin. non imponit contrahendi preceptum, sed definit reiecta conditione impossibili matrimonium sub ea celebratum esse validum.

Secundus intellectus ad d. cap. fin. de condi. app. est Adrian. in quarto. in materia de matrimonio, questione 3. dubio septimo, nemp, ut praedict. cap. fin. non intelligatur, quando contrahentes norunt conditionem esse impossibilem, tunc enim manifeste videntur dissentire, & refutare matrimonium, unde non est habenda pro adiecta: intelligi ergo debet ille text. dum contrahentes reputantur esse possibilem eam conditionem, sed hunc intellectum reprobatur etiam ibi Sanch. numero 3. ex rationibus de quibus ibi per eum.

Tertius intellectus est, matrimonium adiecta conditione impossibili vitari, & ita non haberi pro adiecta, & quod text. contrarius in d. cap. fin. in secunda parte non agit de conditione suspendente matrimonium, sed de resolvente, quae iam matrimonium semel contractum, & perfectum in eorum conditionis resoluit, ut constat ex exemplis ibi adductis, nemp, si te adulterandam prolitus, & donec inueniam aliam pulchriorem, &c. impleri enim non possunt haec conditiones, nisi matrimonio iam perfecto, & hoc denotant verba illa d. cap. fin. in secunda parte. licet alia conditiones, si turpes aut impossibiles fuerint, &c. d. d. namque alias similes praecedentibus, in prima parte refert, & praeterea, quia exceptio debet esse de regula, l. nam quod liquide, §. fin. ff. de pen. legat. unde sensus illius text. est, quod quando conditio impossibilis est resoluitiva, quae impleri debet, matrimonio iam contracto habetur pro non adiecta, & manet matrimonium legitimum, & pure contractum: ut contraho tecum, si caelum ascendas, sed nihilominus hic intellectus est contra torrentem omnium Doctorum, & non verus, vt pluribus rationibus eum merito improbat Thomas Sanchez d. diffusatione 3. numero 4. libro quinto.

Quartus intellectus est, non fuisse Pontificis mentem, dum dixit, impossibilem conditionem habentem pro non adiecta, quod eo ipso iudicatur matrimonium sub tali conditione contractum validum esse, sed eius sensum esse, quod impossibile conditio habeatur pro non adiecta, id est, quod non magis noceat contractui matrimonij, quam si non fuisset apposita: unde duntaxat voluit, quando per alias coniecturas praesumitur adfuisse consensum, reputandum esse matrimonium, ita Sor. in quarto, distinctione 29. questione 2. articulo 2. versic. mens ergo Pontificis; & in summa non nihil aliud, & in saluare ad primum, & uterque Ledesma in locis relatis per Thom. Sanch. d. diffusatione 3. numero 5. vbi hunc intellectum ex pluribus quoque improbat.

Quintum intellectum adducit idem Author ibi numero 6. ex Ludouic. Lopez quem quoque ibi improbat.

Sextus intellectus est, vt decisio d. cap. fin. in secunda

parte non intelligatur de conditionibus a natura impossibilibus, vt si caelum digito attingeris: haec namque vitiant matrimonium, quia cum non apponantur vt adimplende, irrisorius est contractus iudicandus, sed intelligitur de conditione sic impossibili, & sic adiecta, vt adimplenda, quia natura possibilem erat, at est pensata contrahentium qualitate impossibilis, vt si femina pauperi aliquis paupertatis suae conscius dicat, contraho tecum, si des in dotem Regnum, aut centum mille aureos, haec enim conditiones, quae obseruande proponuntur, repelluntur a matrimonio, & pro non adiectis haberi: sic docent viri doctissimi, vt testatur Couar. in quarto de sponsas. secunda parte, cap. 3. §. 2. numero 9. & Ledesma, in secunda parte 4. questione 45. articulo 1. fol. 24r. nec abhorret Sor. in quarto distinctione 29. questione 2. articulo 2. versic. per se res, nec Couar. vbi supra hunc intellectum omnino reprobatur, sed displicet Thom. Sanch. d. diffusatione 3. numero 7. ex pluribus, quae ibi adducit: & praecipue, quia communiter DD. intelligunt d. cap. fin. de condi. appof. in secunda parte de conditionibus natura impossibilibus, ita glossa ibi, verbo contra substantiam, & ibi Henricus, numero 4. §. 6. expressa l. 6. titulo 4. parva 4. & ibi Gregor. Lopez, in glossa Nomen de oro. & tenent alij infiniti Authores congesti per Sanchez ibidem.

Septimum intellectum ad illum text. (vlt. Thom. Sanch. vbi supra) inuenio nouiter assignatum a Gregorio de Valen. in quarto tom. diffus. 10. quae 3. de consensu requisito ad matrim. puncto 3. versic. ea consideratio est, colum. 1798.

Nemp, quod qui apposita conditione turpi, vel impossibili cum aliqua persona contrahit, non solum id ipsum in vanum, & otiose facere, sed vt expectationi, & desiderio personae satisfacere videatur: nullo autem modo latius fatidetur, si ex animo vellet contractum matrimonij ex conditione pendere, quae vel omnino impleri non potest, vel non sine peccato: non enim esset putandum, quod altera personae alioqui prudens talem conditionem admitteret, & sic minime illi ea ratione satisficeret, quoniam igitur animus in eiusmodi contractibus esse solet, voto alterius personae contrahentes satisfacere, merito praesumi potest non serio adiungi huiusmodi conditiones, quae si serio adiungerentur minime alteri contrahenti satisficeret: iam verum ex vna parte praesumi possit in tali casu deesse serium consensum, si videlicet tantummodo conditio impossibilis, vel turpis consideretur, & ex alia parte respiciendo ad finem contrahendi, qui moraliter loquendo solet esse, alteri contrahenti satisfacere, prudenter praesumi possit adesse tunc serium, & absolutum consensum, non pendente ex adiecta conditione, recte potuit Gregor. IX. illius Decretalis Author statuere propter fauorem matrimonialis causae adesse potius consensum absolutum ob rationem iam dictam, quam non adesse praesumeretur. Quod si forte ex aliis circumstantiis aliquando appareret totam huiusmodi actionem fuisse institutam iocose, & ludibrie, non dubium est (inquit ille) quin matrimonium sit habendum pro inualido, quia solum vult Pontifex, vt ex ipsa quidem conditione impossibili, vel turpi adiecta non fiat iudicium, quod matrimonium fuerit inualidum, sed potius contrarium praesumatur, nisi aliud aliquid manifeste oblit. vt bene hoc attigit Soto in loco citato, & tandem inquit Gregor. de Valen., quod nec sibi videtur non incommoda huius difficultatis explicatio.

Sed quamuis haec doctrina vera in se sit, incerta tamen, & generalitati illius text. interpretatio mihi

mibi videtur, & non absolvens omnino difficultatem eius, nec aperiens eius sensum clarum.

Quare verior mihi, & tenendus videtur alius, quem vltimo loco assignauit illi text. Thom. Sanch. vbi supra, numero 18. omittis pro nunc fundamentis late ab eo ibi suppositis in num. 8. cum sequentibus quousque eius intellectum percipiamus.

41 Est igitur verus intellectus d. cap. fin. in 2. eius parte, quod omnes fideles dum sacramenta recipiunt, censentur ea recipere iuxta Ecclesiae intentionem, & dum contractum ineunt matrimonij, & norunt conditionem esse impossibilem, eamque reiecta Ecclesia, & pro non adiecta haberi, sed praesumere consensum esse purum & absolutum, videntur velle pure contrahere iuxta intentionem Ecclesiae, & vt ipsa Ecclesia praesumat, & iudicat tale matrimonium, nisi aliter explicent suam intentionem, ita tenent Paludan. in 4. distinctione 29. q. 2. in fin. Couar. in 4. de sponsal. 2. parte. c. 3. §. 2. numero 1. Greg. Lopez in l. 6. titulo 4. parva 4. verbo, monte de oro. ad fin. Metym. C. de re iur. q. 23. duplici columna ante fin. §. ad cognoscendum, autem. Palat. libr. 6. de contrah. cap. 6. conclusiones 1. & 2. Alex. Car. libr. 3. de sponsal. c. 5. quos sequitur Thom. Sanchez vbi supra, d. num. 18.

In eo autem consistit in hoc fauor matrimonij, quod in dubio Ecclesia ea verba praesumat accipi in sensu absoluto, perinde ac si conditio impossibilis, vel turpis adiecta non esset, ita vt ipsa nihil penitus operetur, in dubio namque pro matrimonio iudicandum est iuxta text. in cap. fin. de sententia, & re iudic. cum enim vertatur periculum animae, si forte separentur, qui legitime sunt coniuncti, & aliis coniungantur matrimonij, elegit Ecclesia in dubio, quod animae tutius est: fatius enim est contra statuta hominum dimittere legitime coniugatos, quam contra legem Dei eos separare, vt cauetur in cap. licet ex quadam de re iur. ita cum aliis Thom. Sanch. d. diffusatione 3. num. 15. at in ceteris contractibus extra matrimonium non vertitur periculum animae ex annullatione eorum ob appositionem conditionis impossibilis, & haec est vera ratio differentiae inter eos ex vna parte, & contractum matrimonij ex altera, & in hoc consistit eius fauor, cui innititur decisio d. cap. fin. in secunda parte de condi. appof.

Nunc autem pro comprobatione, & declaratione nostri text. & huius octauum intellectus, & praed. resolutionis in eo contentae, quam tenent praecitati Authores, & sic potest dici recepta & vera, ac proinde tenenda.

42 Primo obseruandum duximus, quod conditio impossibilis reputata a contrahentibus possibilis non reiectur a contractu matrimonij, vel sponsaliti, sed suum sortitur effectum in vtroque foro: quare text. in d. cap. fin. in secunda parte intentionem esse, quando sciebant contrahentes conditionem esse impossibilem, secus si possibilem eam esse reputabant, vt quatuor fundamentis, & plurium Doctorum autoritate comprobatur Thom. Sanch. lib. 5. diffusatione 3. numero 8. per totum cum 2. numeris sequentibus.

43 Secundo obseruandum est, quod ad hoc, vt conditio impossibilis habeatur pro non adiecta vltra cognitionem impossibilitatis conditionis, exiguntur etiam, vt contrahentes consensu sine constitutionis d. capit. fin. statuentis eam conditionem haberi pro non adiecta, & ceteri purum matrimonium, imo non sufficit si alter ex contrahentibus morit conditionem esse impossibilem, & ius sta-

tuere haberi pro non adiecta: sed oportet quod vtrumque notum sit ambobus contrahentibus, vt late iure comprobatur, & tenet post alios Authores, quos citat Sanch. vbi supra, d. diffusatione 3. numero 11. cum sequentibus: quare moraliter loquendo, vt ipse inquit numero 14. nunquam (ego vero dico raro) eueniet casus in quo iudicandum sit etiam in foro exteriori, matrimonium contractum sub conditione impossibili esse validum, quia nunquam erit notum hoc ius saltem foeminae contrahenti.

Tertio erit obseruandum, conditionem impossibilem haberi pro non adiecta, quando dubia est contrahentium intentio, an animo consentientis, vel potius irridendi eam conditionem appofferint, tunc enim fauore matrimonij (vt diximus) praesertur pars illius conseruatricis, & praesumat Ecclesia ea verba accipi in sensu absoluto, ac si conditio praed. adiecta non esset: quare si ex aliis coniecturis constaret conditionem impossibilem loco appositam esse absque animo contrahendi, tunc etiam in foro exteriori non haberetur pro non appofita, sed vitaret matrimonium, quia iam intentio contrahentium non est dubia, ita probatur cum aliis Sanch. vbi supra, numero 15. & 16. vbi numero 17. ponit duas coniecturas dissensus in hac specie. Prima est, quando si contrahens expressit, nolle se aliter contrahere nisi illa conditione eueniente, Secunda, quando magna est disparitas inter contrahentes, quia haec coniectura satis iudicat dissensum, & facit praesumere joco contractum esse matrimonium, vt per eundem lib. 3. diffusatione 15. num. 7.

In summa decisio d. capit. fin. in 2. parte de condi. appof. non solum locum habet in foro exteriori, sed etiam in foro conscientiae, dum contrahentes incerti sunt ac dubij an oppositam habuerint intentionem, sicut de Baptismo, ac ceteris sacramentis, dum ea recipiens non est certus de contraria intentione, iudicandum est in vtroque foro iuxta intentionem Ecclesiae recepit, vt late probatur respondens obiectioni Petri de Ledesma Thom. Sanchez d. lib. 5. diffusatione 3. numero 20. qui numeris sequentibus infert iuxta supradicta, ad intellectum Clement. vnic. de consanguin. & affinit. & cap. fin. de bigam. vt ibi per eum.

Ad rationes dubitandi, & difficultates supra adductas contra decisionem text. in d. cap. fin. in 2. parte de condi. appof. respondet idem Sanch. vbi supra, numero 22.

Tandem decisio text. in d. cap. fin. in 2. parte de condi. appof. procedit non tantum in conditione impossibili de futuro appofita in matrimonio, sed etiam in conditione impossibili de praeterito, vel de praesenti, secundum Palud. dicentem forte hoc esse verum in 4. distinctione 29. questione 2. articulo 5. numero 28. D. Couar. in quarto de sponsal. 2. parte. cap. 3. §. 2. numero 2. Gregor. Lopez in l. 6. in glossa, monte de oro, ad finem, titulo quarto, parva 4. Adrian. & alios, quos refert, probatur, & sequitur Thom. Sanch. d. lib. 5. diffusatione 4. numero 3. & 4.

Procedit etiam text. in d. cap. fin. in 2. parte in conditionibus iure impossibilibus, si, ut in impossibilibus per naturam, nemp, vt ille quoque reijciatur, secundum Couar. Gregor. Lop. vbi supra, nec non & Thom. Sanch. numero 6. & 7. vbi numero 8. hoc intelligit, si conditio referatur ad jus praesens, secus si ad futurum, vt in exemplo ibi per eum posito cum sua sublimitatione, & num. 9. limitat alio modo.

De conditionibus autem de solo facto impossibili-